

УДАРНИК

Трудовой дисциплинаез куашкатонлы пум пононо

Открылись но Уырдыт одобрить карыса пумитазы асьме странаосысь трудяшое СССР-лэн Совнаркомезлэсь, ВКП(б)-лэн ЦК-езлэсь но Профессиональной Союз'ёслэн Все-союзной Центральной Советсылэсь **„Трудовой дисциплинаез упорядочить карон, социальной страхованилэсь практикаез умоятон но со ужын злоупотреблениосын нюр'яськон мероприятиос сярэсь“** постановленизэс. Та—исключительной важной политической документ, кудиз социализмэн азыланяз победаосызлы бадзым значение иметь каре. Қотыкуд честной, добросовестной рабочий но служащий та социалистической трудлэн законсытыз адзе аслэстызы воляез, мылкыдэ но стремленизэ. Та законы выражать каремын асьме социалистической государстволэн кровной интерес'ёсыз.

Асьме странаын труд чествлэн, славлэн, доблестлэн но геройстволэн ужезлы пормиз. Трудяшой массаос полы пасыкыт вольмиз трудлы виль отношение—великой социалистической соревнование но солэн высшой формаез—народной стхановской движение.

Дасо миллионез советской калык'ёс калыклен благоез понна, асьме родинамылэсь узурлыкэс булэтыса честно но самоотверженно ужало. Нош трудлы честно но добросовестно относиться карысёсын арта ик вань сычоеосыз, куд'ёсыз труд сярэсь советской закон'ёсты но правилоосты злоупотреблять карыса но правилоосты использовать каро асьмэлэн корыстной интерес'ёсы понна. Прогульщик'ёс, лодыр'ёс, летун'ёс, паразит'ёс но шкурник'ёс, асьмэлэн поступкаосынызы но действосынызы уж выльыт юртто враг'ёслы, л ю к е т о народно-хозяйственной план'ёсты быдэстыны. Кылсярэсь: „Кизил“ колхозын (К-Демьянский сельсовет), „Кр-Октябрь“ (Ср-Кеяевской сельсовет), Аксакшурской сельсоветыс Кагановичлэн нимыныз нима колхозын трудовой дисциплина куашкатэмын, колхозник'ёс колхоз уже чука 11-12 часын пото, нош жыт 4 часын гур-

Калыклен воляез быдэстэмын

Гожинской МТС-ын ужасёс но служашое СССР-ысь СНК-лэсь, ВКП(б) ЦК-лэсь но ВЦСПС-лэсь „трудовой дисциплинаез упорядочить карон, государственной Социально-страхованилэсь практикаез умоятон но со ужын злоупотреблениосын нюр'яськон мероприятиос сярэсь“ постановленизэс пбсь жуткем мылкыдын приветствовать каро.

Производствен трудовой дисциплинаез куашкатисёсын, летун'ёсын, рвач'ёсын но дезорганизатор'ёсын решительной нюр'яськон нуоно. Та постановление асьмемыз өте—производствен большевистской порядок тупатыны, железной дисциплинаез юматэмын но трудо-

тазы берто. Та колхоз'ёс вань производственной но политической мероприятиосын бере кылыса мыно, колхоз руководительёс ужан нуналэз уплотнить карон понна уг нюр'ясько, массово-раз'яснительной уж отсутствовать каре.

Асьмелэн странаымы самой вакчи ужан нунал—8 час'ем, 7 час'ем но 6 час'ем. Со тупатэмын ужлэсь условизэ чакласа.

Советской калык'ёс уничтожить каризы котыкылы капиталистической эксплуатацилэсь разбойничий системазэ. Соос валаса ужало свободной трудын, соос эксплуататор'ёс, узур'ёс понна уг ужало, ужало асьмэлэ, асьмэлэн социалистической государствозы понна. Сталинской Конституциын, —победить карем социализмэн Конституция—СССР-ысь граждан'ёслы навечно юматэмын трудлы, образоваили но отдыхлы право.

Тае умой валало уноез советской предприятиосын но учреждениосын ужасёс. Нош валаны уг туртско отдельной несознательной отсталой яке недобросовестной мурт'ёс—летун'ёс, лодыр'ёс, прогульщик'ёс, шкурник'ёс но рвач'ёс, куд'ёсыз пбськон амал'ёсын государствоэн счетаз улыны тыршо.

Асьме государстволэн, асьме калык'ёсмылэн интерес'ёсыз требовать каризы котыкыче злоупотреблениослы пум пононэз.

СССР-лэн Совнаркомезлэн, ВКП(б)-лэн ЦК-езлэн но ВЦСПС-лэн „Трудовой дисциплинаез упорядочить карон, государственной социальной страхованилэсь практикаез умоятон но со ужын злоупотреблениосын нюр'яськон мероприятиос сярэсь“ постановленизэ производстволэн дезорганизатор'ёсызы сокрушительной удар наносить каре. Миллионез рабочийёс но служащийёс, миллионез честной труженик'ёс, куд'ёсыз ке трудлы сознательной отношение проявлять каро, та постановленилы ответить каро стхановской амалыс ужанэз эшшо но пасыкытасы, трудовой доблестлэн образец'ёсыныз но эшшо но юматозы асьмелэсь великой родинамылэсь мощьэ но обороноспособностьсэ.

вой дисциплинаез куашкатис мурт'ёсын, летун'ёсын, рвач'ёсын но лодыр'ёсын дугдылытэк нюр'яськон нуыны.

Татын ужасёс виль постановлениез приветствовать карыса, трудовой дисциплинаез куашкатис мурт'ёсын дугдылытэк нюр'яськон нуоно, прогульщик'ёслы, лодыр'ёслы, дезорганизатор'ёслы Советской учреждение пырыны воля сётоно өвёл шуыса, резолюция кутто.

Виль постановление Социализмын азыланяз виль азинскон'ёс бастон понна, честно но доброкачественно ужаны өте.

Прогульщик'ёслы но лодыр'ёслы асьме предприятиосын, озы ик учреждениосын инты өвёл!

Бадзым шумпотонэн пумитазы

М-Пургинской сельсоветысь колхозник'ёс СССР-лэн Совнаркомезлэсь, ВКП(б)-лэн ЦК-езлэсь но ВЦСПС-лэсь трудовой дисциплинаез упорядочить карон сярэсь постановленизэс жуткем мылкыдын пумитазы.

1 Январе 1939 арын „Дружный“ колхозысь колхозник'ёс асьмэлэн общей собраниязы та постановлениез обсуждать карем беразы огкылысь шуизы:

—Партилен но правительстволэн постановленизы лодыр'ёслы, рвач'ёслы, прогульщик'ёслы, летун'ёслы но шкурник'ёслы пумит сокрушительной удар сётоз. Азыланьын социалистической соревнованиез но тахановской движениез еше но пасыкыт вольмытоно.

Колхозник'ёс.

Районной комсомольской конференция

7 январе райклубын комсомолэн VI районной конференцияез, кулскиз. Конференция люкаськем делегат'ёс ВЛКСМ райкомлэн секретарезлэсь Наговицын но ревкомисиялэн председателезлэсь Климов эш'ёслэсь райкомолэн ужамез сярэсь отчетной докладзэс кылзизы. Делегат'ёс активно участвовать каризы, доклад'я ваньзэ 62 вопрсс сётизы. 33 мурт прениын выступить каризы.

Прениын выступить харисёс ВЛКСМ-лэсь райкомзэ но солэсь руководительёс Наговицын, Гордилова но Климов эш'ёсты юн большевистской критика улэ шедьтизы, райкомолэн ужысытыз тырмымтэ интыосса шараязы, что райкомол первичной комсомольской органи-

Ильминскийлэсь примерзэ бастыны кулэ

П-Можгинской сельсовет населенилы Всесоюзной перепись ортытыны умой дасяське. Участковой инструктор-контролер Ильминский эш сётэм обязанностьсэ образцово быдэстон понна скулмасыке, массово-раз'яснительной ужез колхоз'ёсын умой пунктэ.

„Виль сэрэг“ колхозын Ильминский эшен 15 агитатор дасямын, ваньмызлы соослы участок прикрепить каремын. Агитатор'ёс колхозник'ёс пблын валэктон уж нуо, переписьлэсь значенизэ валэкто. А. Семеновых.

Дышетисёслэн районной совещанизы

5 январысен 10 январозь М-Пургинской Средней шко-лэн помещенияз дышетисёслэн районной совещанизы ортчиз.

Совещаниын обсуждать каризы дышетисёслэ пинал'ёслэсь успеваемостьсэс жутон мераос но нылпиос пблын внешкольной ужез пуктон сярэсь вопрс'ёсты.

Нырысетй вопрс'я прениын 19 мурт выступить каризы, кыктэтй вопрсэ — 17 мурт. Дышетисёс школаослэн ужзылэсь тырмымтэ интыосса шараязы. Ронолэсь руководствозэ но солэсь заведующойзэ Мерзляков эшез большевистской критика улэ кыскизы. Озы ик критиковать каризы пионерской ужез пуктон сярэсь ВЛКСМ-лэсь райкомзэ.

Государственной за-ем'ёс'я выигрыш'ёслэн 1939 арын тираж'ёсы

СССР-лэн Наркомфинэз государственной заем'ёс'я выигрыш'ёслэн 1939 арын тираж'ёсылы ортытыны срук'ёс но пункт'ёс тупатиз.

„Кыктэтй пятилеткалэн заемез'я (4-ти арэзлэн выпускез)“ тираж'ёс ортчозы: 10-ти тир же.—Пермь городын 17 но 18 февралэ; 11-ти тиражез—Чарджуу городын (Туркменской ССР) 17 но 18 мае; 12-ти тиражез—Краснодар городын 17 но 18 августэ но 13-ти тиражез—Тамбов городын 17 но 18 ноябре.

„СССР-лэсь обороназэ юматон заемлэн“ 5-ти тиражез ортчек Магнитогорск городын 11 но 12 мартэ; 6-ти тиражез—Калинин городын 11 но 12 июне; 7-ти тиражез—Улан-Удэ городын 11 но 12 сентябре но 8-ти тиражез—Семипалатинск городын 11 но 12 декабре.

„1938 арын поттэм государственной внутренней выигрыш ой заем'я“ 4-ти тираж ортытэмын луоз Ленинградын 10 февралэ, 5-ти тиражез—Москваын 10 апрелэ, 6-ти тираж—Москваын 10 июне, 7-ти тираж—Харьковын 10 августэ, 8-ти но 9-ти тираж'ёс—Москваын 10 октябре но 10 декабре.

Нылкышноосты ответственной уж'ёсы

М-Пургинской районн ваньмыз 69 колхоз, лядяске, Та колхоз'ёсын 2 мурт председател, 6 мурт председателез воштысь, 3 мурт полководческой бригадир но 1 мурт счетовод луса нылкышноос ужало.

М-Пургинской район'я вераса 48 МТФ, 27 СТФ, 14 ОТФ но 9 кролиководческой ферма вань. Та фермаосын ужасьёс тросэз нылкышноос луо. Фермаослэн заведующийёсы 25 мурт нылкышноос луо.

1938 арын Кечевской МТС-ысь 23 мурт тракторен, 1 мурт автомашинаен но 1 мурт комбайнэн нылкышноос колхоз бусыосын ужасы. Та сяна 1939 ары 5 мурт ныл'ёс трактористкае дышетско на.

Гожниевской МТС-ын тракторен 6 мурт, комбайнэн, 1 мурт нылкышноос ужасы. Гожниевской МТС нылкышноосты сложной сельскохозяйственной машинаен ужаны дышетон понна ляд сьомаське. Туз арын тракторной курсэ нылкышноосты 4 муртэ гинэ дышетэ.

Азыланьын нылкышноосты ответственной уж'ёсы, сложной машинаосын ужаны выдвигать карон понна котькуд сельсоветлэн, колхозлэн председателёсызы, котькуд организациослэн руководителёсызы юн сьомаськонзэс уж вылын проявить кароно.

Калистратов.

„Красный май“ колхозэн кивалтонэз умоятоно

Кечурской сельсоветысь „Красный май“ колхозлэн председателез Давкова эш государственной обязательствоосты дыраз быдэс'ян понна уг сьомаське, колхозник'ёсты государственной обязательствоосэс вакчи дыр куспын быдэс'яны организовать карон интые, юон организовать карыса улэ, колхозлэсь ужзэ самотеке лэзе.

Колхозлэн государстволы етйн мертчан сдать карон планэз 22 центнер, сдать каремын 2,2 центнер гинэ. Колхозник'ёс ваньзэ 2485 манетлы заемлы гожтыськызы, тунэ нуналозь 1000 манет гинэ тыремын. Озы ик колхозник'ёс нюлэскын мылзы потэм'я гинэ ужало, ужась кужымен кивалтысь өвёл.

Скал гид гужем вылын ик лэстыны кутскемын вал, нош али Давкова эш строительствоез дугдытыз.

Тулус ю мизёнлы дасяськон вунэтэмын, семенной материалэз триеровать уг каро, с-х инвентарь ремонтировать карымтэ.

Райзо но Кечурской сельсоветлэн председателез Семенов та колхозэз кутсаськонзэ быдтыз ни шуса уг адзо, палэнын вошэ.

Иванов.

Испанилэн фронт'ёсаз

(Военной действияослы вакчияк обзор)

23 декабрь фашистской мятежник'ёс но интервент'ёс Каталонской фронтын наступленизэс кутскизы. Быль наступление итальянской регулярной частьёслэн кужымензы нуиське. Соослы уно германской но итальянской вооружение вутэмын. Восточной фронтысь операциясын Италилен быдэс экспедиционной корпусэз участвовать каре. Тодмо, что Италия Испанилэн фронт'ёсысьтыз ранить карем но висись 10 сюрс солдат'ёсэс нуэм безраз отчы выльысь 15 сюрс солдат келаз.

Наступление кутскон азын вань фашистской артиллерия выльдымын вал.

Фашистской мятежник'ёс но интервент'ёс вань кужымзэс бое ыстызы. Атаказэс Файон но Трэмп куспысен кутскизы.

Нырысь 5 нунал куспын, туж кужмо бойёс нуиса, итальянской войскаос, туж секыт ыштон'ёсын, кбня ке гинэ территория басытыны быгатызы. Лерида—Балагер—Камараса районн интервент'ёслэн наступленизы куашказ. Фашист'ёслэн наступленизылэн кыкетй нуналаз ик Борхасэз басытон сярэсь малпамзы но куашказ.

Азыланьзэ 5 нунал куспын фашист'ёс Каталонской фронтлэн вань линиосаз республиканской позициос выль туж кужмо атакаос нуисы. Туж трос танковой атакаос но, вискарытэк воздушной бомбардировкаос но республиканской армилэн частьёсынзэс сопротивленизэс чыгытыны өз быгатэ. Сола умой примерен луэ Балагер секторын алигес ортчем сражение, 28 декабрь фашистской артиллерия республиканской позициосты 5 час чоже ыбылды. 10 сюрс снарядлэсь трос лэземын вал. Интервент'ёс

танковой отряд'ёсэс атакае ыстызы. Со атакаос оgez бёрсы оgez мынызы. Туж кужмо атакаосты республиканец'ёс отбить каризы но противникэз исходной позициосазы уллязы.

30 декабрь азелы мятежник'ёс но интервент'ёс Сегрелэн уль районаз гинэ положенизэс кбня ке умоятызы. Отын соос Гранаделья дорозь азинскыны быгатызы но мукет участок'ёсын кбня ке высотаосты басытызы. Фашист'ёслэн наступленизы дуно сылэ. Со сярэсь пленнойёс верало. Соос верало, что Наваррской дивизия аслаз составысьтыз 40 процентэ ыштызы ни но фактически стройысь поттэмын (мятежник'ёслэн та самой кужмо дивизиязы). Итальянской дивизиялэн частьёсыз (дивизия Литторио) трос ыштон'ёсын валче бойысь берлань келамын. Пленнойёс верало, что Листерлэсь (республиканской армилэн легендарной командирезлэсь) нимзэ гинэ веран итальянец'ёслэн рад'ёсазы паника кылдытэ.

Январь толэзлэн куинь нунал куспаз восточной фронтын положение шбдскымон өз воштыське. Сегре шурлэн выль сектораз фашист'ёслэн активностысь унолы кулэсми. Татын соос трос ыштон'ёс нуисы. Южной флангын, Лерида но Гранаделья куспысь секторын, мятежник'ёслэн но интервент'ёслэн нажимазы озы ик кулэсми.

Родиналэн приказзэ—иностранный захватчик'ёслы испанской муз'емеэ сётонтэм сярэсь—республиканец'ёс честен быдэс'яло. Вань испанской калык, выль арын интервент'ёсты вормон понна единой мылкыдэн, республиканской Испаниез защищать карыны султыз.

Соловьев но Александров сямен ик

Юж-Пурга колхозысь колхозник'ёс 25 декабрь асысьлэн общей собраниязы кутсаськонзэ быдтытэк выходной нунал лэстынтэм пунктзы. Колхозлэн председателез Соловьев общей собранилэсь постановленизэ законэн уг ляд'я, 7 январь колхозник'ёслы выходной лэстыны разрешить кариз. Нош „Юж-Пурга“ колхозлэн кутсаськонзэ туж трос на, озы ке но колхозлэсь правленизэ со беспоко-

ить уг кары.

Колхозлэсь азыло председателэз Александровез колхозник'ёс председателысь куштызы, нош Соловьев сола вал сёт'я, Александров колхозной нуэз асылэ нуллэ. Колхозлэн правленизэ та сярэсь но кыче уждэс уг куты, колхозник'ёс ваньмыз та же ужез уг тодо.

Кема-а Александров колхозлэн ваньбууреныз кузёсыскоз на?

Иванов.

СОВЕТСКОЙ СОЮЗЫН

Казаньысь гармонь лэстыон фабрика кылем арын поттыз 11.926 венской но национальной гармошкаосты, 343 баян, 1574 детской гармошкаос.

1938 арын санитарной самолет'ёс Ростовской областысь сельской район'ёсы 280 лобзон'ёс ортытызы. 265 врач'ёе, 64 висисьёс нуллэмын. Интыосын 100-лэсь но трос сложной операциос лэстымын.

1938 арын Москваын 250 выль дом'ёс лэстыса заселить каремын. Соослэн площадьызы 250 сюрс квадратной метр. Туз арын Москваысь трудяшыйёслы 300 выль жилой дом'ёс лэстыны пус'емын. Солян площадез луоз миллионлэсь трос квадратной метр.

Нижне-Днепровскын мясокомбинатлэн трос объект'ёсыз лэстыса быдэстэмын ни. Та комбинат Украинаын самой балдымез. Полной мощностен ужало нырысь черодэ лэзем механизированной колбасной завод но холодильник. Туз арын мясокомбинат поттоз 9.200 тонна колбасной изделиос, 300 миллион московской котлет'ёс, 11 сюрс тонна сйль, 20 сюрс тонналэсь трос пищевой йб.

БССР-лэн 20 ар тырмем годищинаезлы сязем празднествоосын, участвовать карыны Минске ветлэм делегациос гуртазы берто. Советской Беларуссиялэн столицаз улытозязы чоже соос фабрикаосы, завод'ёсы, учебной заведениосы, Наукаослэн Академияз ветайзы.

Культурной шудон'ёс басытэмын

Ильинской сельсоветысь „Кр-Звезда“ колхозлэн азыло председателез Никитин культурно-массовой ужез выль радэ жутон понна чик өз сьомаське. Клубе кролиководческой ферма организовать карылызы, нош егит'ёс юон'ёс, минчоын пукон'ёс организовать карылызы.

Али колхоз председателе Чиков эшез быр'ем бере уж воштыськыз, егит'ёслэсь куремзэс уж вылын быдэстыны тыршиз. Егит'ёслэн инициативазы клубез ремонтировать карон но культурной шудон'ёс басытон понна егит'ёслэсь 4 центнер нянь люкамьн вал. Та ваньмыз культурной уже кутэмын. Клуб ремонтировать кремын, биллиард, мандолина, балалайка но мукет культурной шудон'ёс басытэмын.

Лукиннык.

Коркалы быдэ газет басыто

М Пургинской сельсоветысь „Дружный“ колхозын колхозник'ёс пблын массовой раз'яснительной уж умой пунктэмын. Колхозник'ёс но колхозницаос книга но газет лядзонэн интересоваться карысько.

Кылем арын „Дружный“ колхозын 42 экземпляр газет басытызы, нош туэ, 1939 арын одйг двор но газет басытымтэз өвёл.

Ильин.

Культуралэсь палэнын

Аксакшурской сельсоветысь Когановичлэн нимыныз нимам колхозлэн правлениез культурно-массовой но политико-воспитательной ужлэсь рольэз уг дун'я, егит'ёслы ваньмон дырзэс культурно ортытыны условия кылдытэмын өвёл. Клубез эстыны колхозлэн председателез Анисимов эш пу уг сёты, нош изба-читальнялэн гурез куашкымын, сельсоветлэн председателез Рябчиков изба-читальняез ремонтировать карыны коньдон өз вис'я.

Озы ик изба-читальняын литература ваньмыз 50 экземпляр гинэ, та книгаос лядзисьёсты удовлетворить карымон өвёл.

Политпросвет учреждениослэн заведующийез Галимуллин эш та же тырмымтэ уж'ёсын чем дыр'я пумиськылоно луылэ, нош политпросвет учреждениослэсь ужзэс пунктыны уг тыршы, калыкдэсь куремзэ быдэстон понна сьомаськонзэ проявить уг кары.

Батров.

Редактор Г. М.—ИВАНОВ.

Поттысь РАИСПОЯКОМ

Ялон'ёс

Петров Мирон Фомичлэн нимыныз Гожниевской МТС-лэн натураен 844 килограмм но коньдонэн 400 манет „Дружной“ колхозысь басытыны сетэм распоряжениоссэ ыштэм. Зөмез ляд'яно өвёл ни.